


大方廣佛華嚴經

第四十五

道九 百八



元祿九年丙子二月日重修

皇國聖國 帝新銀昌

佛日增輝 轉念常轉

山城州天安寺法金剛院置



大方廣佛華嚴經卷第四十五

道

東晉天竺佛陀跋陀羅譯

入法界品第三十四之一

尔時佛在舍衛城祇樹給孤獨園大莊嚴重  
 閣講堂與五百菩薩摩訶薩俱普賢菩薩文  
 殊師利菩薩為上首夜光幢菩薩須彌山幢  
 菩薩寶幢菩薩無礙幢菩薩華幢菩薩離垢  
 幢菩薩日光幢菩薩正幢菩薩離塵幢菩薩  
 明淨幢菩薩大地端嚴菩薩寶端嚴菩薩大



書

慧端嚴菩薩金剛智端嚴菩薩離垢端嚴菩  
薩法日端嚴菩薩功德山端嚴菩薩智光端  
嚴菩薩普妙德端嚴菩薩大地藏菩薩虛空  
藏菩薩蓮華藏菩薩寶藏菩薩日藏菩薩淨  
德藏菩薩法印藏菩薩明淨藏菩薩齊藏菩  
薩蓮華藏菩薩善能眼菩薩普見眼菩薩清  
淨眼菩薩離垢眼菩薩無礙眼菩薩普眼菩  
薩善觀眼菩薩青蓮華眼菩薩金剛眼菩薩  
寶眼菩薩虛空眼菩薩善眼菩薩天冠菩薩  
普照法界慧天冠菩薩道場天冠菩薩普照  
十方天冠菩薩生諸佛藏天冠菩薩一切世  
間最上天冠菩薩明淨天冠菩薩無量寶天

冠菩薩受一切如來師子座天冠菩薩普照  
法界虛空天冠菩薩梵王周羅菩薩龍王周  
羅菩薩一切佛化光明周羅菩薩道場周羅  
菩薩一切願海音摩尼寶王周羅菩薩出生  
如來光眾寶自在周羅菩薩莊嚴一切虛空  
寶摩尼寶王周羅菩薩一切如來自在光幢  
摩尼王網普覆周羅菩薩一切佛音轉法輪  
周羅菩薩三世慧音周羅菩薩大光菩薩離  
垢光菩薩寶光菩薩離塵光菩薩夜光菩薩  
法光菩薩寂靜光菩薩日光菩薩自在光菩  
薩天光菩薩功德幢菩薩智幢菩薩法幢菩  
薩諸通幢菩薩光幢菩薩華幢菩薩摩尼幢

菩薩音 持幢菩薩 梵幢菩薩 普光幢菩薩 梵  
音菩薩 海音菩薩 大地音菩薩 卅主音菩薩  
山相擊音菩薩 充滿一切法界音菩薩 一切  
法海雷音菩薩 降伏一切魔音菩薩 大悲方  
便雲雷音菩薩 滅一切苦安慰音菩薩 法上  
菩薩 勝上菩薩 智上菩薩 功德須彌山上菩  
薩 道四十五卷二 功德珊瑚上菩薩 稱上菩薩 普光上菩薩  
大慈上菩薩 智海上菩薩 如來性起上菩薩  
光妙德菩薩 勝妙德菩薩 上妙德菩薩 明淨  
妙德菩薩 法妙德菩薩 月妙德菩薩 虛空妙  
德菩薩 寶妙德菩薩 妙德幢菩薩 智妙德菩  
薩 娑羅林王菩薩 法王菩薩 衆生王菩薩 梵

王菩薩山王菩薩寶王菩薩離垢王菩薩寂  
靜王菩薩不動王菩薩仙王菩薩勝王菩薩  
寂靜音菩薩無礙音菩薩說大地音菩薩大  
海雷音菩薩雲音菩薩法光音菩薩虛空音  
菩薩一切衆生喜根雷音菩薩開悟過去願  
音菩薩圓滿道音菩薩智須彌山音菩薩虛  
空覺菩薩離垢覺菩薩無礙覺菩薩喜覺菩  
薩普照三世覺菩薩廣覺菩薩普光覺菩薩  
法界光覺菩薩如是等五百菩薩此諸菩薩  
皆悉出生普賢之行境界無礙充滿一切諸  
佛刹故持無量身悉能往詣一切佛故具足  
無礙淨眼見一切佛明自在故至無量處一

切諸佛成正覺時悉能往詣現前見佛無休  
息故無量智光普照一切諸法海故於無量  
劫說不可盡辯清淨故究竟虛空界智慧境  
界悉清淨故無所依止隨其所應現色身故  
除滅癡暗善分別知衆生界故虛空智慧放  
大光網普照一切諸法界故復與五百大聲  
聞俱悉覺眞諦證如實際深入法性離生死  
海安住如來虛空境界離結使縛不著一切  
遊行虛空於諸佛所疑惑悉滅深入信向諸  
佛大海復與諸天王俱悉已恭敬供養過去  
諸佛長夜饒益一切衆生心常行慈未曾忘  
失守護群生入勝智門不捨一切衆生出生



諸佛正法境界守護佛法受持佛性生如來  
家專求一切智門介時諸菩薩聲聞天人及  
其眷屬咸作是念如來行如來智境界如來  
持如來力如來無畏如來三昧如來住如來  
勝妙功德如來身如來智一切天人無能知  
無能度無能得底無能受無能思惟無能觀  
察無能分別無能開發無能宣明無能為  
如實解說除佛持力自在力威神力如來本  
願力過去善根力親近善知識力清淨信心  
方便力樂求勝妙法力清淨正直喜提心力  
深心一切智願力又諸大衆種種意種種欲  
種種解種種語種種地種種根種種方便種

道

古花卷 四十五

三

魚大守

種心境界種種依如來功德種種樂聞法世  
尊往昔發一切智願求一切智菩薩諸願清  
淨波羅蜜菩薩諸地菩薩滿足行菩薩莊嚴  
菩薩方便莊嚴菩薩道莊嚴菩薩出生方便  
海莊嚴菩薩自在莊嚴菩薩本生海菩提門  
自在海如來自在轉法輪如來刹清淨自在  
如來方便莊嚴衆生界如來法王法如來道  
明普照一切如來自在入一切衆生處如來  
爲一切衆生作最上福田如來爲一切衆生  
說功德達觀三輪化度一切群生唯願世尊  
大悲慈愍具足顯現今時世尊知諸大衆心  
之所念以大悲身大悲門大悲爲首大悲隨

順方便法入師子奮迅三昧令一切衆生樂  
清淨法入三昧已時大莊嚴重閣講堂忽然  
廣博無量無邊不可破壞金剛寶地清淨莊  
嚴一切摩尼寶王遍布其地散無量寶華奇  
妙衆寶琉璃爲柱以明淨寶而莊嚴之衆寶  
莊嚴微密無間閻浮檀寶以爲樓閣衆寶欄  
楯却敵捺迥阿僧祇欄楯而以莊飾諸天王  
寶堅固衆寶而莊嚴之摩尼寶網彌覆其上  
建衆寶幢懸諸幡蓋放大光網普照法界又  
以不可說衆雜妙寶莊嚴其外四邊階道衆  
寶合成今時佛神力故令祇洹林忽然廣博  
與不可說佛刹微塵數世界等衆寶莊嚴本

可說寶遍布其地阿僧祇寶以為垣牆寶多  
羅樹列植道側無量香河微流盈滿一切寶  
華以為波浪皆悉右旋演說一切佛法音聲  
不可思議分陀利華皆悉開敷弥布水上眾  
寶華樹高顯榮茂列植其岸不可思議樓閣  
摩尼寶網羅覆其上阿僧祇妙寶莊嚴光明  
普照阿僧祇摩尼寶王嚴飾其地出眾妙香  
建立無量摩尼王幢香幢衣幢幡幢繒幢華  
幢莊嚴具幢鬚幢寶垂帶幢眾寶蓋幢大摩  
尼幢普照摩尼寶幢出佛音幢師子寶王幢  
出一切佛本生海幢一切法界幢摩尼寶王  
幢以為莊嚴時祇洹林上虛空中有不可

世

古花

卷第五

四

命

議天寶宮殿雲不可思議衆香樹雲不可說  
須彌山雲莊嚴虛空不可說不可說衆寶樂  
器演妙法音讚詠如來不可說寶樹雲彌覆  
虛空不可說衆寶座雲覆以寶衣菩薩處上  
歎佛功德不可說天寶像雲以爲莊嚴不可  
說白淨真珠網雲以爲莊嚴不可說解脫樓閣  
雲以爲莊嚴不可說妙解脫音樂雲雨以爲  
莊嚴何以故如來善根不可思議故如來白  
淨法不可思議故如來威神不可思議故如  
來一身充滿一切法界自在不可思議故一  
切佛刹莊嚴入一佛身不可思議故一微塵  
中現一切佛一切法界不可思議故一毛孔

中盡過去際一切如來次第顯現不可思議  
故放一光明照一切刹不可思議故如來一  
毛孔中出一切佛刹微塵等化身雲充滿一  
切世界不可思議故如來一毛孔中現一切  
佛刹成壞不可思議故如此祇樹給孤獨園  
見嚴淨佛刹一切法界虛空界一切世界所  
見嚴淨亦復如是如來充滿來詣祇洹菩薩  
充滿一切如來大衆海安住普雨一切妙莊  
嚴雲雨一切衆寶光明普照一切摩尼王雲  
雨一切蓋雲莊嚴一切天身雲雨一切華樹  
雲莊嚴一切雜色衣雲雨一切鬘雲流注莊  
嚴一切摩尼寶王莊嚴雲雨一切衆生身維

色香雲雨寶華雲諸天女雲各持妙寶於虛  
空中迴轉莊嚴一切衆寶鉢曇摩華雜寶師  
子座莊嚴虛空今時東方過不可說佛刹微  
塵等世界海有世界名金剛雲明淨燈莊嚴  
佛号明淨妙德王彼大衆中有菩薩名明淨  
願光明與不可說佛刹微塵等菩薩俱來向  
此土興種種雲莊嚴虛空所謂興天華雲散  
天末香雲垂天鬚帶雲雨天寶雲天莊嚴雲  
天寶蓋雲天寶衣雲天幢蓋雲充滿虛空以  
可悅樂衆寶莊嚴來詣佛所禮拜供養即於  
東方化作一切莊嚴樓閣寶蓮華藏師子之  
座如意寶網羅霞其身與其眷屬結跏趺

坐南方過不可說佛刹微塵等世界有世界  
名金剛藏佛号普照妙德王彼大衆中有菩  
薩名不可壞精進勢王與不可說佛刹微塵  
等菩薩俱來向此土皆悉賣持一切妙香神  
力持故普熏一切佛世界海執持一切摩尼  
寶網華鬘瓔珞寶衣寶像妙德光明諸莊嚴  
具一切妙師子寶以為莊嚴神力持故充滿  
一切諸佛世界來詣佛所礼拜供養即於南  
方化作白淨妙寶樓閣普照十方寶蓮華藏  
師子之座結跏趺坐以寶華網羅覆其身西  
方過不可說佛刹微塵等世界有世界名寶  
燈須彌山幢佛号法界智燈彼大衆中有菩



菩薩名無上普妙德王與世界海微塵等菩薩  
俱來向此土興不可說佛刹微塵等種種色  
香須彌山雲充滿一切法界不可說佛刹微  
塵等種種色香水須彌山雲充滿一切法界  
不可說佛刹微塵等種種色摩尼寶王須彌  
山雲充滿一切法界不可說佛刹微塵等種  
種色光明莊嚴寶幢須彌山雲充滿一切法  
界不可說佛刹微塵等種種色金剛藏摩尼  
寶王須彌山雲充滿一切法界不可說佛刹  
微塵等閻浮檀寶幢須彌山雲充滿一切法  
界不可說佛刹微塵等摩尼寶王遍照一切  
法界須彌山雲普覆虛空一切如來不可說佛

刹微塵等相好摩尼寶王普照須彌山雲充  
滿一切衆生境界一切如來爲菩薩時不可  
說佛刹微塵等所行須彌山雲充滿法界一  
切如來示現不可說佛刹微塵等莊嚴道場  
來詣佛所禮拜供養即於西方化作一切香  
坐樓閣以眞珠寶網羅覆其上如帝釋幢寶  
蓮華藏師子之座結跏趺坐金色寶網羅覆  
其身如意寶王爲髻明珠北方過不可說佛  
刹微塵等出界有世界名寶衣光明幢佛号  
法界虛空妙德彼大衆中有菩薩名無礙妙  
德藏王與世界海微塵等菩薩俱來向此土  
以一切寶繒雲莊嚴虛空神力持故充滿虛

空雜寶衣雲雜香熏衣雲日幢摩尼寶衣雲  
金色妙衣雲衆寶網衣雲閻浮檀金色莊嚴  
衣雲白淨寶衣雲明淨寶衣雲妙光寶衣  
雲海莊嚴寶衣雲莊嚴虛空神力持故皆  
悉充滿一切虛空來詣佛所禮拜供養即於  
北方化作大海摩尼寶王樓閣琉璃寶蓮華  
藏師子之座結跏趺坐妙寶王網羅覆其身  
清淨寶王爲髻明珠東北方過不可說佛刹  
微塵等世界有世界名放離垢歡喜光明網  
佛号無礙眼彼大衆中有菩薩名法界善化  
願月王與世界海微塵等菩薩俱來向此土  
興寶樓閣雲皆悉充滿一切世界香樓閣雲

香煙樓閣雲華樓閣雲栴檀樓閣雲金剛樓  
閣雲摩尼樓閣雲金樓閣雲寶衣樓閣雲鉢  
曇摩樓閣雲皆悉普覆一切佛刹來詣佛所  
禮拜供養即於東北方化作一切法界門寶  
山樓閣不可稱香王寶蓮華藏師子之座結  
跏趺坐摩尼華網羅覆其身妙莊嚴藏摩尼  
寶王以爲天冠東南方過不可說佛刹微塵  
等世界有世界名香雲莊嚴幢佛号龍自在  
王彼大衆中有菩薩名法義慧炎王與世界  
微塵等菩薩俱來向此土興無量金色圓滿  
光雲普覆虚空無量寶色圓滿光雲佛白毫  
相圓滿光雲衆寶雜色圓滿光雲寶蓮華藏

圓滿光雲衆寶樹華圓滿光雲如來無見頂  
相圓滿光雲閻浮檀金色圓滿光雲日光圓  
滿光雲月光圓滿光雲普覆虛空來詣佛所  
禮拜供養即於東南方化作明淨摩尼寶王  
樓閣金剛寶蓮華藏師子之座結跏趺坐寶  
炎光網羅覆其身西南方過不可說佛刹微  
塵等世界有世界名曰光藏佛号法月普照  
智王彼大衆中有菩薩名壞散一切衆魔智  
幢王與世界微塵等菩薩俱來向此土一一  
毛孔普興虛空界等寶華炎雲遍照一切世  
界放香炎雲衆寶炎雲金剛炎雲香烟炎雲  
大龍自在電光炎雲明淨摩尼寶炎雲金色

寶炎雲妙德藏摩尼寶王網炎雲一一毛孔  
各放虛空界等如來光明海雲普照三世來  
詣佛所禮拜供養即於西南方化作一切方  
門光網普照法界摩尼樓閣香燈炎寶蓮華  
藏師子之座結跏趺坐摩尼寶藏王妙光明  
網羅覆其身冠一切衆生向解脫音摩尼寶  
王冠西北方過不可說佛刹微塵等世界有  
世界名淨願摩尼寶藏佛号普明淨妙德須  
弥山王彼大衆中有菩薩名明淨願智幢王  
與世界微塵等菩薩俱來向此土於念念中  
一切相好一切毛孔皆出三世一切諸佛身  
雲充滿一切虛空界又出一切菩薩身雲一

切如來眷屬身雲一切如來變化身雲一切  
如來本生身雲一切聲聞緣覺身雲一切如  
來道場菩提樹雲一切如來自自在雲一切世  
界王身雲一切嚴淨佛刹雲於念念中一切  
相好一切毛孔皆出如是等雲充滿虛空來  
詣佛所禮拜供養即於西北方化作諸方清  
淨摩尼妙寶樓閣清淨一切衆生摩尼寶蓮  
華藏師子之座結跏趺坐堅固光明真珠寶  
網羅覆其身首冠著覆摩尼寶冠下方過不  
可說佛刹微塵等世界有世界名一切如來  
光圓滿清淨佛号無礙虛空智幢王彼大衆  
中有菩薩名壞散一切障智慧勢王與世界

微塵等菩薩俱來向此土於一切毛孔出一  
切衆生語海音雲三出菩薩行海音雲一切  
菩薩願音雲一切菩薩成滿清淨波羅蜜音  
雲一切菩薩行妙音聲雲充滿一切世界一  
切菩薩積集自在音雲一切菩薩往詣道場  
降伏衆魔成最正覺自在音雲一切諸佛轉  
正法輪修多羅音雲隨其所應化度衆生方  
便音雲今一切衆生隨時方便得妙智慧善  
根音雲來詣佛所禮拜供養即於下方化作  
諸佛寶光明藏莊嚴樓閣寶蓮華藏師子之  
座結跏趺坐普照道場摩尼寶王為髻明珠  
上方過不可說佛刹微塵等世界有世界名



說無盡覺佛号圓滿普智光音彼大衆中有  
菩薩名分別法界智通王與世界海微塵等  
菩薩俱來向娑婆世界釋迦牟尼佛所一切  
相好一切毛孔一切支節一切身分一切莊  
嚴具一切衣服中出盧舍那等過去一切諸  
佛未來一切已受記佛未受記佛現在十方  
一切世界一切諸佛及眷屬雲皆悉顯現過  
去所行檀波羅蜜及受施者皆悉顯現過去  
所修尸波羅蜜持戒清淨過去羸提波羅蜜  
割截支節心不動亂過去修習毗梨耶波羅  
蜜過去修習一切如來禪波羅蜜海過去修  
習一切如來轉淨法輪過去一切悉捨不着

壽命過去歡喜樂求諸菩薩道過去出生菩  
薩清淨大莊嚴願過去一切菩薩力波羅蜜  
過去一切菩薩圓滿智慧皆悉具足出如是  
等諸自在雲充滿法界皆悉顯現來詣佛所  
禮拜供養即於上方化作金剛莊嚴藏樓閣  
青金剛寶蓮華藏師子之座結跏趺坐一切  
寶網羅覆其身三世佛号摩尼寶王爲髻明  
珠是諸菩薩及其眷屬皆悉具足普賢行願  
成就三世諸佛清淨智眼轉一切佛淨妙法  
輪攝取諸佛勝妙音聲修多羅海具足一切  
菩薩自在究竟彼岸於念念中悉詣一切諸  
如來所現自在力一身充滿一切世界能於

一切如來衆中現清淨身於一微塵悉能示  
現一切世界隨所應化成就衆生未曾失時  
於一毛孔出一切佛妙法雷音知衆生界皆  
悉如幻知一切佛悉如電光知一切有趣皆  
悉如夢知一切果報如鏡中像知一切生如  
熱時炎知一切世間皆如變化具足成就如  
來十力無所畏法於大衆中能師子吼深入  
無盡一切辯海決定了知一切衆生語言法  
海於淨法界行無礙行知一切法皆悉無諍  
具足菩薩諸通如智勤修精進摧伏諸魔安  
住三出以勝智慧無所染著清淨妙行得佛  
莊嚴一切智地知一切有悉無所有深入一

切法界智海以不壞智入一切世界於一切  
世界普現自在示現一切世界受生智一切  
世界種種形色以微細境中住一切佛住得  
一切佛住持智身得清淨慧了知十方一切  
刹海於一念中悉能出生無量自在遍滿十  
方一切世界海此諸菩薩皆悉成就如是等  
無量功德滿祇洹林皆是如來威神力故尔  
時諸大聲聞舍利弗目犍連摩訶迦葉離婆  
多須菩提阿泥盧豆難陀金毗羅迦旃延富  
樓那弥多羅尼子如是等諸大聲聞在祇洹  
林而悉不見如來自在如來莊嚴如來境界  
如來變化如來師子吼如來妙功德如來自

在行如來勢力如來住持力清淨佛刹如是  
等事皆悉不見亦復不見不可思議菩薩大  
會菩薩境界自在變化菩薩眷屬隨所來方  
妙寶莊嚴諸師子座菩薩宮殿三昧自在周  
遍觀察菩薩奮迅勤行精進供養諸佛菩薩  
受記長養善根菩薩受身清淨法身智身願

身色身相好無量光明圓滿莊嚴放大光輝  
變化身雲菩薩充滿一切十方微細菩薩諸  
行圓滿具足如是等事一切聲聞諸大弟子  
皆悉不見何以故修習別異善根行故本不  
修習能見如來自在善根亦不修習淨佛土  
行又不讚歎見佛自在所得功德不於生死

中教化衆生發阿耨多羅三藐三菩提心亦  
不安立衆生於佛菩提亦不守護如來種姓  
今不斷絕亦不攝取一切衆生亦不成就諸  
波羅蜜不爲衆生稱歎勝妙智慧眼地亦不  
修習一切智行不求諸佛離世善根亦不出  
生自在淨刹不求菩薩諸通明眼不修菩薩  
境界不壞善根亦不出生佛力住持菩薩大  
願又亦不知諸法如幻菩薩集會悉皆如夢  
亦不修習菩薩離生聖行之心不得普賢清  
淨智眼是諸功德不與聲聞辟支佛共以是  
因緣諸大弟子不見不聞不入不知不覺不  
念不能遍觀亦不生意何以故此是菩薩智

慧境界非諸聲聞智慧境界是故諸大弟子  
在祇洹林不見如來自自在神力亦無三昧清  
淨智眼於微細處見諸境界亦無法門神力  
境界亦無諸力勝妙功德亦無是處智亦無  
智眼能見聞覺知及生意念亦不樂說不能  
讚歎不能顯現不能施與不能勸化安立衆  
生於彼妙法何以故以聲聞乘出三界故又  
以滿足聲聞之道住聲聞果不能具足無所  
有智住真實諦常樂寂靜遠離大悲常自調  
伏捨離衆生是故雖與如來對面而坐不能  
覺知神變自在譬如餓鬼裸形飢渴舉身燒  
然爲諸虎狼毒獸所逼往詣恒河欲求水飲

或見枯竭或見灰炭所以者何悉由宿行罪  
業障故一切聲聞亦復如是雖在祇洹不覩  
如來自在神力所以者何無明障暄覆淨眼  
故譬如有人於大會中昏寢夢見諸天城郭  
帝釋宮殿園觀林池衆寶莊嚴散諸雜華寶  
樹行列妙衣覆上諸天男女遊戲其中自然  
妙音共相娛樂受天快樂其人自覩安住此  
處見天宮殿無量莊嚴其餘大會悉不知見  
所以者何覺夢異故一切菩薩世界諸王亦  
復如是如彼夢中無所不見深入菩薩妙法  
門故積集善根出生一切智願故決定明了  
佛功德故正向菩薩弘誓道故滿足一切智



故滿足普賢諸行願故得一切菩薩圓滿故<sub>下</sub>  
地得一切菩薩三昧自在故行一切菩薩無  
礙智故是故一切諸大菩薩悉覩如來不可  
思議神變境界深入明達究竟彼岸一切聲  
聞諸大弟子皆不能知譬如雪山有諸藥草  
賢明良醫悉分別知雖有捕獍放牧人等遠  
止彼山悉不能知菩薩摩訶薩亦復如是真  
足一切智出生一切菩薩自在明了如來神  
足變化彼諸聲聞大弟子衆雖處祇洹悉不  
覺知所以者何常求自安不廣濟故譬如地  
中有諸寶藏唯咒術者悉能別知記錄庫藏  
以自資給奉養父母賑卹親屬拯濟貧乏善

薩摩訶薩亦復如是。以淨慧眼入佛自在不可思議神力境界。普入無量方便大海。諸三昧海恭敬供養一切諸佛。守護王法。以四攝法。攝取衆生。諸大聲聞。雖處祇洹。不覩如來自在神變。譬如盲人至大寶洲。行住坐卧不見衆寶。此諸聲聞亦復如是。在祇洹林大法寶洲。親侍世尊。不覩如來自在神變。菩薩衆所以者。何不得喜薩清淨眼。故不能次第覺法界。故譬如有人以明淨藥而用治眼。於夜暗中處在大衆。悉見衆人行住坐卧。餘人不見。如來亦令速得無礙清淨智眼。悉能智見一切世間。示現無量自在神變。及喜薩衆。

諸大聲聞不覩如來。自在神變及菩薩衆。譬言  
如此。丘在大會中。入一切處。定所謂地水火  
風天衆生境界。其餘大衆悉不能見。地水火  
風乃至境界。諸一切處。如來所現。不可思議  
菩薩悉見。諸大聲聞不知不見。譬言。如有人以  
翳身藥。自塗其目。行住坐卧。無能見者。唯有

彼人。悉能覩見。如來亦復如是。永離世間。無  
能見者。唯一切智菩薩境界。非諸聲聞之所  
能知。如人從生。有二種天常隨侍衛。一曰同  
生。二曰同名。天常見人人不見。天如來神變  
亦復如是。非諸聲聞所能知見。唯諸菩薩乃  
能覩見。譬如比丘於大衆中。入滅盡定。不捨

諸大聲聞不覩如來。自在神變及菩薩衆。譬言  
如此。丘在大會中。入一切處。定所謂地水火  
風天衆生境界。其餘大衆。悉不能見。地水火  
風乃至境界。諸一切處。如來所現。不可思議。  
菩薩悉見諸大聲聞。不知不見。譬言。如有人以  
翳身藥。自塗其目。行住坐卧。無能見者。唯有  
彼人。悉能覩見。如來亦復如是。永離世間。無  
能見者。唯一切智菩薩境界。非諸聲聞之所  
能知。如人從生。有二種天常隨侍衛。一曰同  
生。二曰同名。天常見人人。不見天。如來神變  
亦復如是。非諸聲聞所能知見。唯諸菩薩乃  
能覩見。譬言。如比丘於大衆中。入滅盡定。不捨

諸根亦不滅度而不知見諸大衆中所以者  
何滅定力故諸大聲聞亦復如是處祇洹林  
大衆之中諸根現前而不覩見如來神變不  
入不知不覺不念不生心意所以者何如來  
境界甚深彌曠難知難見難得源底無有限  
量遠離世閒不可思議無能壞者非諸聲聞  
緣覺境界余時明淨願光明菩薩承佛神力  
觀察十方以偈頌曰

瞻察堅固人

菩提難思議

祇洹林顯現

無量自在法

如來神力持

顯現無量德

世閒悉迷惑

不知諸佛法

法王甚深法

無量難思議

顯現大變化

一切莫能測

如來莊嚴相  
宣明一切佛  
甚深不可議  
菩薩衆雲集  
悉滿諸大願  
莫能知其心  
皆悉不能知  
一切莫能壞  
最大名稱人  
充滿諸法界

讚歎不可盡  
最勝於祇洹  
遠離語言道  
不思議刹來  
常修無礙行  
一切諸緣覺  
菩薩行境界  
遠離諸亂想  
深入無量定

以法無相故  
顯現自在力  
觀察無量德  
供養於最勝  
一切諸世閒  
無量大聲聞  
菩薩大智慧  
究竟深智地  
顯現自在力

大方廣佛華嚴經卷第四十五

道

